



# Deddf Trawsblannu Dynol (Cymru) 2013

2013 dccc 5

*Troseddau*

## 10 Gwahardd gweithgareddau heb gydsyniad

- (1) Mae person yn cyflawni trosedd os yw'n gwneud, heb gydsyniad, weithgaredd trawsblannu yng Nghymru.
- (2) Ond nid yw person yn cyflawni trosedd o dan is-adran (1)—
  - (a) os yw'r person yn credu yn rhesymol—
    - (i) ei fod yn gwneud y gweithgaredd â chydsyniad, neu
    - (ii) nad yw'r hyn y mae'n ei wneud yn weithgaredd trawsblannu;
  - (b) os yw adran 3(3) (deunydd sydd wedi'i fewnforio) yn gymwys;
  - (c) os yw adran 13(1) (preserfio deunydd at ei drawsblannu) yn gymwys.
- (3) Mae person yn cyflawni trosedd os yw, yng Nghymru—
  - (a) yn ymholni'n dwyllodrus wrth berson y mae'n gwybod neu'n credu ei fod yn mynd i wneud gweithgaredd trawsblannu neu y gall ei wneud—
    - (i) bod cydsyniad i wneud y gweithgaredd, neu
    - (ii) nad yw'r gweithgaredd yn weithgaredd trawsblannu, a
  - (b) yn gwybod bod yr ymholiad yn anwir neu ddim yn credu ei fod yn wir.
- (4) Mae person sy'n euog o drosedd o dan yr adran hon yn agored—
  - (a) o'i gollfarnu'n ddiannod i ddirwy heb fod yn fwy na'r uchafswm statudol;
  - (b) o'i gollfarnu ar ddiad—
    - (i) i garchariad am gyfnod heb fod yn hwy na 3 blynedd, neu
    - (ii) i ddirwy, neu
    - (iii) i'r ddau.
- (5) Yn yr adran hon ystyr "cydsyniad" yw'r cydsyniad sy'n ofynnol yn rhinwedd adran 3.

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Trawsblannu Dynol (Cymru) 2013, Croes Bennawd: Troseddau. (See end of Document for details)*

#### Gwybodaeth Cychwyn

- I1** A. 10 ddim mewn grym ar y Cydsyniad Brenhinol, gweler **a. 21(1)**  
**I2** A. 10 mewn grym ar 1.12.2015 gan **O.S. 2015/1679**, **ergl. 3(c)**

### 11 Troseddau gan gyrff corfforaethol

- (1) Pan fo corff corfforaethol yn cyflawni trosedd o dan adran 10 ac os profir bod y trosedd hwnnw wedi ei gyflawni â chydsyniad neu gydgyllwyn unrhyw un o'r canlynol, neu y gellir ei briodoli i esgeulustod ar ran unrhyw un o'r canlynol—
- (a) unrhyw gyfarwyddwr, rheolwr neu ysgrifennydd i'r corff corfforaethol, neu
  - (b) unrhyw swyddog oedd yn honni gweithredu yn rhinwedd unrhyw un o'r swyddi hynny,
- bydd yr unigolyn hwnnw (yn ogystal â'r corff corfforaethol) yn euog o'r trosedd ac yn agored i achos yn ei erbyn a chosb yn unol â hynny.
- (2) Mae'r cyfeiriad at gyfarwyddwr, rheolwr neu ysgrifennydd i'r corff corfforaethol yn cynnwys cyfeiriad at—
- (a) unrhyw swyddog tebyg sydd gan y corff;
  - (b) pan fo'r corff yn gorff corfforaethol y mae ei fusnes yn cael ei reoli gan ei aelodau, unrhyw swyddog neu aelod o'r corff.

#### Gwybodaeth Cychwyn

- I3** A. 11 ddim mewn grym ar y Cydsyniad Brenhinol, gweler **a. 21(1)**  
**I4** A. 11 mewn grym ar 1.12.2015 gan **O.S. 2015/1679**, **ergl. 3(c)**

### 12 Erlyn

Ni chaniateir cychwyn achos am drosedd o dan adran 10 ac eithrio drwy neu â chydsyniad y Cyfarwyddwr Erlyniadau Cyhoeddus.

#### Gwybodaeth Cychwyn

- I5** A. 12 ddim mewn grym ar y Cydsyniad Brenhinol, gweler **a. 21(1)**  
**I6** A. 12 mewn grym ar 1.12.2015 gan **O.S. 2015/1679**, **ergl. 3(c)**

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Trawsblannu Dynol (Cymru) 2013, Croes Bennawd: Troseddau.